

大智度論卷第十五

德五

詰反一机居以鑑菩^亥、以鑑反時尹鑄休木環蹠
隙丘逆凝反魚陵酥蘇漫楚酒胡稽留基音

懸玄験魚措

大智度論卷第十六

德六

龍樹菩薩造 姚秦三藏法師鳩摩羅什譯

釋初品中毗梨耶波羅密下

問曰云何名精進相答曰於事必能起發無
難志意堅強心無疲倦所作究竟如是等名
精進相復次如佛所說精進相者身心不息
故譬如釋迦文尼佛先世曾作賈客主將諸
賈人入嶮難處是中有羅刹鬼以手遮之言
汝住莫動不聽汝去賈客主即以右拳擊之
拳即著鬼撓不可離復次左拳擊之亦不可
離以右足蹴之足復黏著復以左足蹴之亦
復如是以頭衝之頭即復著鬼問言汝今如

是欲作何等心休息未答言雖復五事被繫
我心終不爲汝伏也當以精進力與汝相擊
要不懈退鬼時歡喜心念此人膽力極大即
語人言汝精進力大必不休息放汝令去行
者如是於善法中初夜中夜後夜誦經坐禪
求諸法實相不爲諸結使所覆身心不懈是
名精進相是精進名心數法勤行不住相隨
心行共心生或有覺有觀或無覺有觀或無
覺無觀如阿毗曇法廣說於一切善法中慇
修不懈是名精進相於五根中名精進根根
增長名精進力心能開悟名精進覺能到佛
道涅槃城是名正精進四念處中能勸繫心
是精進分四正慇是精進門四如意足中欲
精進是精進六波羅密中名精進波羅密問
曰汝先讚精進今說精進相是名何精進答
曰是一切善法中精進相問曰今說摩訶般
若波羅密論議中應說精進波羅密何以說
一切善法中精進答曰初發心菩薩於一切

善法中精進漸漸次第得精進波羅蜜問曰一切善法中精進多今說精進波羅蜜已入一切善法精進中答曰爲佛道精進名爲波羅蜜諸餘善法中精進但名精進不名波羅蜜問曰一切善法中勤何以不名精進波羅蜜而獨名菩薩精進爲波羅蜜答曰波羅蜜名到彼岸卅間人及聲聞辟支佛不能具足行精進是故不名爲波羅蜜復次是人無大慈大悲棄捨衆生不求十力四無所畏十八不共法一切智及無礙解脫無量身無量光明無量音聲無量持戒禪定智慧等諸善法以是故是人精進不名波羅蜜復次菩薩精進不休不息一心求佛道如是行者名爲精進波羅蜜如好施菩薩求如意珠抒大海水正使筋骨枯盡終不懈廢得如意珠以給衆生濟其身苦菩薩如是難爲能爲是爲菩薩精進波羅蜜復次菩薩以精進力爲首行五波羅蜜是時名爲菩薩精進波羅蜜譬如衆

德六二三

藥和合能治重病菩薩精進亦如是但行精進不能行五波羅蜜是不名菩薩精進波羅蜜復次菩薩精進不爲財利富貴力勢亦不爲身不爲生天轉輪聖王梵釋天王亦不自爲以求涅槃但爲佛道利益衆生如是相名爲菩薩精進波羅蜜復次菩薩精進修行一切善法大悲爲首如慈父母唯有一子而得重病一心求藥救療其疾菩薩精進以慈爲首亦復如是救療一切心無暫捨復次菩薩精進以實相智慧爲首行六波羅蜜是名菩薩精進波羅蜜問曰諸法實相無爲無作精進有爲有作相云何以實相爲首答曰雖知諸法實相無爲無作以本願大悲欲度衆生故於無作中以精進力度脫一切復次若諸法實相無爲無作如涅槃相無一無二汝云何言實相與精進相異耶汝即不解諸法相復次菩薩得神通力以天眼見三界五道衆生以失樂爲苦無色界天樂定心著不覺命

德六三添

盡墮在欲界中受禽獸形色界諸天亦復如是從清淨處隨還受婬欲在不淨中欲界六天樂著五欲還墮地獄受諸苦痛見人道中以十善福資得人身人身多苦少樂壽盡多墮惡趣中見諸畜生受諸苦惱鞭杖驅馳負重涉遠項領穿壞熱鐵燒烙此人宿行因緣

以繫縛衆生鞭杖苦惱如是等種種因緣故受象馬牛羊麋鹿畜獸之形婬欲情重無明偏多受鵝鴨孔雀鷺鷩鳩鷄鷓鴣百舌之屬受此衆鳥種類百千姓行罪故身生毛羽闌諸細滑觜距鹿鞭不別觸味瞋恚偏多受毒蛇蠍蠍蚊蜂百足含毒之虫愚癡多故受蝴蝶蟻娘蟻鵝角鴟之屬諸駭虫鳥
受嬌慢瞋多故受師子虎豹諸猛獸身邪慢緣故受生驢猪駱駘之中慳貪嫉妬輕躁短促故受獮猴狹狹熊羆之形邪貪憎嫉業因緣故受猫狸土虎諸獸之身無愧無慚饕餮因緣故受烏鵲鴉鷺諸鳥之形輕慢善人故受鷄

德六

狗野干等身大作布施瞋恚曲心以此因緣故受諸龍身大修布施心高陵虐苦惱衆生受金翅鳥形如是等種種結使業因緣故受諸畜生禽獸之苦菩薩得天眼觀衆生輪轉五道迴旋其中天中死人中生人中死天中生天中死生地獄中地獄中死生天上天上死生畜生中畜生中死生天上天上死還生天上地獄餓鬼畜生亦如是欲界中死色界中生色界中死欲界中生欲界中死無色界中生無色界中死欲界中生欲界中死欲界中生色界無色界亦如是活地獄中死黑繩地獄中生黑繩地獄中死活地獄中生活地獄中死還生活地獄中合會地獄乃至阿鼻地獄亦如是炭坑地獄中死沸屎地獄中生沸屎地獄中死炭坑地獄中燒林地獄乃至摩訶波頭摩地獄亦如是展轉生其中郊生中死胎生中

生胎生中死郊生中生郊生中死還生郊中
生胎生濕生化生亦如是閻浮提中死弗婆
提中生弗婆提中死閻浮提中生閻浮提中
死還生閻浮提中瞿薩尼欝怛羅越亦如是
四天處死忉利天中生忉利天中死四天處
生四天處死還生四天處忉利天乃至他化

德六

五

新

自在天亦如是梵衆天中死梵輔天中生梵
輔天中死梵衆天中生梵衆天中死還生梵
衆天中梵輔天少光無量光光音少淨無量
淨遍淨阿那跋羅伽得生大果虛空處識處
無所有處非有想非無想處亦如是非有想
非無想天中死阿鼻地獄中生如是展轉生

五道中菩薩見是已生大悲心我於衆生爲
無所益雖與世樂樂極則苦當以佛道涅槃
常樂益於一切云何而益當勤大精進乃得
實智慧得實智慧知諸法實相以餘波羅蜜
助或以益衆生是爲菩薩精進波羅蜜見餓
鬼中飢渴故兩眼陷毛髮長東西馳走若欲

趣水護水諸鬼以鐵杖逆打設無守鬼水自
然竭或時天雨雨化爲炭或有餓鬼常被火
燒如劫盡時諸山火出或有餓鬼羸瘦狂走
毛髮攀亂以覆其身或有餓鬼常食屎尿涕
唾嘔吐盪滌餘汁或時至廁溷邊立伺求不
淨或有餓鬼常求產婦藏血飲之形如燒樹
咽如針孔若與其水千歲不足或有餓鬼自
破其頭以手取腦而舐或有餓鬼形如黑山
鐵鎧鎖頸叩頭求哀歸命獄卒或有餓鬼先
世惡口好以麤語加被衆生衆生憎惡見之
如讐以此罪故墮餓鬼中如是等種種罪故
墮餓鬼趣中受無量苦痛見八大地獄苦毒
萬端活大地獄中諸受罪人各各共鬪惡心
瞋爭手捉利刀互相割剥以稍相刺鐵叉相
叉鐵棒相棒鐵杖相捶鐵鼎相貫而以利刀
互相切膚又以鐵爪而相颶裂各把身血而
相塗漫痛毒逼切悶無所覺宿業因緣冷風
來吹獄卒喚之咄諸罪人還活以是故名活

地獄即時平復復受苦毒此中衆生以宿行因緣好殺物命牛羊禽獸爲田業舍宅奴婢妻子國土錢財故而相殺害如是等種種殺業報故受此劇罪見黑繩大地獄中罪人爲惡羅刹獄卒鬼匠常以黑熱鐵繩拷度罪人以獄中鐵斧教人斫之長者令短短者令長

方者使圓圓者使方斬截四支却其耳鼻落其手足以大鐵錐解折刺截破其肉分纏繫稱之此人宿行因緣讒賊忠良妄語惡口兩舌綺語枉殺無辜或作姦吏酷暴侵害如是等種種惡口讒賊故受此罪見合會大地獄中惡羅刹獄卒作種種形牛馬猪羊驟鹿狐狗虎狼師子六駁大象鵝鷺鷄鳥作此種種諸鳥獸頭而來吞噉敵齒齧掣罪人兩山相合大熱鐵輪轢諸罪人令身破碎熱鐵曰中搗之令碎如笮蒲萄亦如壓油譬如意場聚肉成積頭如山血流成池鵝鷺虎狼各來爭掣此人宿業因緣多殺牛馬猪羊驟鹿

第四第五名叫喚大叫喚此大地獄其中罪人羅刹獄卒頭黃如金眼中火出著赭色衣身肉堅勁走疾如風手足長大口出惡聲挺三股叉箭墮如雨刺射罪人罪人狂怖叩頭求哀大將軍小見放捨小見憐愍即時將入熱鐵地獄縱廣百由旬驅打馳走足皆燃然脂髓流出如笮蘇油鐵棒棒頭頭破腦出如破酪瓶研刺割剥身體糜爛而復將入鐵閣屋間黑煙來熏互相推壓更相怨毒皆言何以壓我裁欲求出其門已閉大聲號呼音常不絕此人宿行因緣皆由斗秤欺詐非法斷事受寄不還侵陵下劣惱諸窮貧令其號哭破他城郭壞人聚落傷害劫剥室家怨毒舉城叫呼

總六

六

朱

有時誦詐欺誑誘之令出而復害之如是等種種因緣故受如此罪大叫喚地獄中人皆坐熏殺穴居之類幽閑囹圄或闇煙窓中而熏殺之或投井中劫奪他財如是等種種因緣受大叫喚地獄罪第六第七熱大熱地獄中有二大銅鑊一名難陀二名跋難陀秦言大

喜鹹沸水滿中羅刹鬼獄卒以罪人投中如厨士烹肉人在鑊中脚上頭下譬如煮豆熟爛骨節解散皮肉相離知其已爛以叉叉出行業因緣冷風吹活復投炭坑或著沸灰中譬如魚出於水而著熱沙中又以膿血而自煎熬從炭坑中出投之炎牀強驅令坐眼耳

德六七流

鼻口及諸毛孔一切火出此人宿世惱亂父母師長沙門婆羅門於諸好人福田中惱令心熱以此罪故受熱地獄罪或有宿世煮生蠶或生燶猪羊或以木貫人而生炙之或焚燒山野及諸聚落佛圖精舍等或推衆生著火坑中如是等種種因緣生此地獄中見阿

鼻地獄縱廣四千里周迴鐵壁於七地獄其處最深獄卒羅刹以大鐵槌槌諸罪人如鍛師打鐵從頭剥皮乃至其足以五百鉤釤磔其身如磔牛皮互相掣挽應手破裂熱鐵火車以轉其身驅入火坑令抱炭出熱沸屎河驅令入中中有鐵觜毒虫從鼻中入脚底出從足下入口中出堅劍道中驅令馳走足下破碎如厨膾肉利刀劍稍飛入身中譬如霜樹落葉隨風亂墜罪人手足耳鼻支節皆被斫剥割截在地流血成池二大惡狗一名賒摩二名賒婆羅鐵口猛毅破碎人筋骨力踰虎豹猛如師子有大刺林驅逼罪人強令上樹罪人上時刺便下向下時刺便上向大身毒蛇蝮蠍惡虫競來齧之大鳥長嘴破頭敗腦入鹹河中隨流上下出則蹈熱鐵地行鐵刺上或坐鐵弋弋從下入以鉗開口灌以洋銅吞熱鐵丸入口口焦入咽爛入腹脹然五藏皆焦直過墮地但見惡色恒聞臭氣常觸

鹿澀遭諸苦痛迷悶萎頓或狂逸擣撲或藏竄投擲或顛仆墮落此人宿行多造大惡五逆重罪斷諸善根法言非法非法言法實言非實非實言實破因破果憎嫉善人以是罪故入此地獄受罪最劇如是等種種八大地獄復有十六小地獄爲眷屬八寒水八炎火

其中罪毒不可見聞八炎火地獄者一名炭坑二名沸屎三名燒林四名劍林五名刀道六名鐵刺林七名鹹河八名銅櫬是爲八八寒水地獄者一名頸浮陁少多孔二名尼羅浮陁無孔三名呵羅羅寒顫聲也四名阿婆婆亦寒聲也五名瞷亦是寒聲六名漚波羅此地獄外壁青黃花也七

德六

八

朱

名波頭摩紅蓮花生中受苦也八名摩訶波頭摩是爲八若破清淨戒出家法令白衣輕賤佛道或推衆生著火坑中或衆生命未盡墮於火上炙之如是等種種因緣墮炭坑地獄中大火炎炭至膝燒罪人身若沙門婆羅門福田食以不淨手觸或先歎或以不淨物著中或

以熱沸屎灌他身破淨命以邪命自活如是等種種因緣墮沸屎地獄中沸屎深廣如大海水中有細虫以鐵爲嘴破罪人頭破腦破骨食髓若焚燒草木傷害諸虫或燒林大獵爲害彌廣如是等種種因緣墮燒林地獄中草木火然以燒罪人若執持刀劍鬪諍傷殺

若斫樹壓人以報宿怨若人以忠信誠告而密相中陷如是等種種因緣墮劍林地獄中此地獄罪人入中風吹劍葉割截手足耳鼻皆令墮落是時林中有鳥鷺惡狗來食其肉若以利刀刺人若櫬若鑠傷人若斷截道路發撒橋梁破正法道示以非法道如是等種種因緣墮刀道地獄中刀道地獄中於絕壁狹道中豎利刀令罪人行上而過若犯邪淫侵他婦女貪受樂觸如是等種種因緣墮鐵刺林地獄中刺樹高一由旬上有大毒蛇化作美女身喚此罪人上來共汝作樂獄卒驅之令上刺皆下向貫刺罪人身被刺害入骨

集六

徹體既至樹上化女還復她身破頭入腹處
廁穿穴皆悉破爛忽復還活身體平復化女
復在樹下喚之獄卒以箭仰射呼之令下刺
復仰刺既得到地化女身復作毒蛇破罪人
身如是久從熱鐵刺林出遙見河水清涼
快樂走往趣之入中變成熱沸鹹水罪人在
中須臾之頃皮肉離散骨立水中獄卒羅刹
以叉釣出持著岸上此人宿行因緣傷殺水
性魚鼈之屬或時推人及諸衆生令沒水中
或投之沸湯或投之冰水如是等種種惡業
因緣故受此罪若在銅櫞地獄獄卒羅刹問
諸罪人汝何處來答言我苦悶不知來處但
患飢渴若言渴是時獄卒即驅逐罪人令坐
熱銅櫞上以鐵鉗開口灌以洋銅若言飢坐
之銅櫞吞以鐵丸入口口熑入咽喉爛入腹
熑然五藏爛壞直過墮地此人宿行因緣劫
盜他財以自供口諸出家人或時詐病多求
蘇油石蜜或無戒無禪無有智慧而多受人

施或惡口傷人如是等種種宿業因緣墮銅
櫞地獄若人墮墮浮陁地獄中其處積冰毒
風來吹令諸罪人皮毛裂落筋肉斷絕骨破
髓出即復完堅受罪如初此人宿業因緣寒
月剥人或劫盜凍人薪火或作惡龍瞋毒忿
恚放大雹雨冰凍害人或輕賤誇毀若佛及
佛弟子持戒之人或口四業作衆重罪如是
等種種因緣墮阿浮陁地獄中尼羅浮陁亦
如是類浮陁少時有間暫得休息尼羅浮陁
無間無休息時呵婆婆呵羅羅睺睺此三地
獄寒風噤顫口不能開因其呼聲而以名獄
溫波羅獄中凍冰浹渫有似青蓮花波頭摩
狀如此間赤蓮花摩呵波頭摩是中拘伽離
住處有智之人聞是驚言咄以此無明恚愛
法故乃受此苦出而復入無窮無已菩薩見
此如是思惟此苦業因緣皆是無明諸煩惱
所作我當精進勤修六度集諸功德斷除衆
生五道中苦興發大哀增益精進如見父母

幽閉囹圄拷掠榜笞憂毒萬端方便求救心
不暫捨菩薩見諸衆生受五道苦念之如父
亦復如是復次菩薩精進卅世勤修求諸財
寶給施衆生心無懈廢自有財物能盡施與
心亦不懈復次精進持戒若大若小一切能
受一切能持不毀不犯大如毛髮設有違失

十一
誣

即時發露初不覆藏復次勤修忍辱若人刀
杖打害罵詈毀辱及恭敬供養一切能忍不
受不著於深法中其心不沒亦不疑悔復次
專精一心修諸禪定能住能學得五神通及
四無量心八勝處八背捨十一切入具諸功
德四念處及諸菩薩見佛三昧復次菩薩精
進求法不懈身心勤力供養法師種種恭敬
供給給使初不違失亦不廢退不惜身命以
爲法故誦讀問答初中後夜思惟憶念籌量
分別求其因緣選擇同異欲知實相一切諸法
自相異相總相別相一相有相無相如實相
諸佛菩薩無量智慧心不退不沒是名菩薩

精進如是等種種因緣能生能辦種種善法
是故名爲精進波羅蜜波羅蜜義如先說復
次菩薩精進名爲精進波羅蜜餘人精進不
名波羅蜜問曰云何爲精進滿足答曰菩薩
生身法性身能具功德是爲精進波羅蜜滿
足滿足義如上說身心精進不廢息故問曰
精進是心數法經何以名身精進答曰精進
雖是心數法從身力出名爲身精進如受是
心數法而有五識相應受是名身受意識相
應受是爲心受精進亦如是身力勤修若手
布施口誦法言若講說法如是等名爲身口
精進復次行布施持戒是爲身精進忍辱禪
定智慧是名心精進復次外事勤修是爲身
精進內自專精是爲心精進鹿精進名爲身
細精進名爲心爲福德精進名爲身爲智慧
精進是爲心若菩薩初發心乃至得無生忍
從是中間名身精進生身未捨故得無生忍
捨肉身得法性身乃至成佛是爲心精進復

誣

次菩薩初發心時功德未足故種三福因緣布施持戒善心漸得福報以施衆生衆生未足更廣修福發大悲心一切衆生不足於財多作衆惡我以少財不能滿足其意其意不滿不能勤受教誨不受道教不能得脫生老病死我當作大方便給足於財令其充滿便

入大海求諸異寶登山履危以求妙藥入深石窟求諸異物石汁珍寶以給衆生或作薩陀婆冒涉峻道劫賊師子虎狼惡獸爲布施衆生故勤求財寶不以爲難藥草呪術能令銅變爲金如是種種變化致諸財物及四方無主物以給衆生是爲身精進得五神通能自變作作諸美味或至天上取自然食如是等名爲心精進能集財寶以用布施是爲身精進以是布施之德得至佛道是爲心精進生身菩薩行六波羅蜜是爲身精進法性身菩薩行六波羅蜜是爲心精進未得法身心則隨身已得法身則心不墮身不累也復次一切法中皆能成辦不

惜身命是爲身精進求一切禪定智慧時心不懈倦是爲心精進復次身精進者受諸勤苦終不懈廢如說波羅柰國梵摩達王遊獵於林中見二鹿群群各有主一主有五百群鹿一主身七寶色是釋迦文菩薩一主是提婆達多菩薩鹿王見人王大衆殺其部黨起大

德六

十三

悲心徑到王前王人競射飛矢如雨王見此鹿直進趣已無所忌憚勑諸從人攝汝弓箭無得斷其來意鹿王既至跪白王言君以嬉遊逸樂小事故群鹿一時皆受死苦若以供饍當自差次日送一鹿以供王厨王善其言聽如其意於是二鹿群主大集差次各當一日是提婆達多鹿群中有一鹿懷子次至應送來自其主我身今日應當送死而我懷子子非次也乞垂料理使死者得次生者不濫鹿王怒之言誰不惜命次來但去何得辭也鹿母思惟我王不仁不以理恕不察我辭橫

法身則心不墮身不累也

王問此鹿汝主何言鹿曰我主不仁不見料理而見瞋怒大王仁及一切故來歸命如我今日天地雖曠無所控告菩薩思惟此甚可愍若我不理枉殺其子若非次更差次未及之如何可遣唯有我當代之思之既定即自送身遣鹿母還我今代汝勿憂也鹿王徑

到王門衆人見之惄其自來以事白王王亦恠之而命令前問言諸鹿盡耶汝何以來鹿

王言大王仁及群鹿人無犯者但有滋茂何

有盡時我以異部群中有一鹿懷子以子垂產身當俎割子亦弁命歸告於我我以愍之非分更差是亦不可若歸而不救無異木石

德六

十三

條

是身不久必不免死慈救苦厄功德無量若人無慈與虎狼亦何異王聞是言即從座起而說偈言

我實是畜生 名曰人頭鹿 汝雖是鹿身名爲鹿頭人 以理而言之 非以形爲人若能有慈惠 雖獸實是人 我從今日始

不食一切肉 我以無畏施 且可安汝意

諸鹿得安王得仁信復次如愛法梵志十二歲遍闇浮提求知聖法而不能得時世無佛法亦盡有一婆羅門言我有聖法一偈若實愛法當以與汝荅言實愛法婆羅門言若實愛法當以汝皮爲紙以身骨爲筆以血書之當以與汝即如其言破骨剥皮以血寫偈如法應修行 非法不應受 今世及後世行法者安隱

復次昔野火燒林林中有一雉勤身自力飛入水中漬其毛羽來滅大火火大水少往來疲乏不以爲苦是時天帝釋來問之言汝作何等荅言我救此林愍衆生故此林蔭育處廣清涼快樂我諸種類及諸宗親并諸衆生皆依仰此我有身力云何懈怠而不救之天帝問言汝乃精勤當至幾時荅言以死爲期天帝言汝心雖余誰證知者即自立誓我心至誠信不虛者火即當滅是時淨居天知善

薩弘誓即爲滅火自古及今唯有此林當獨蔚茂不爲火燒如是等種種宿世所行難爲能爲不惜身命國財妻子象馬七珍頭目髓腦勤施不倦如說菩薩爲諸衆生一日之中千死千生如檀尸忍禪般若波羅蜜中所行如是菩薩本生經中種種因緣相是爲身精進於諸善法修行信樂不生疑悔而不懈怠從一切賢聖下至凡夫求法無厭足是爲菩薩心精進問曰心無厭足是事不然所以者何若所求事辦所願已成是則應足若理不可求事不可辦亦應捨廢云何恒無厭足如人穿井求泉用功轉多轉無水相則應止息亦如行道已到所在不應復行云何恒無厭足答曰

德六古之

菩薩精進不可以出間譬喻爲比如穿井力少則不能得水非無水也若此處無水餘處必有如有所至必求至佛至佛無厭誨人不倦故言無厭復次菩薩精進志願弘曠誓度一切衆生無盡是故精進亦不可盡汝言事

其子病憂念不捨如是相是爲菩薩精進復次行布施波羅蜜時十方種種乞兒來欲求索不應索者皆來索之及索所重難捨之物語菩薩言與我兩眼與我頭腦骨髓愛重妻子及諸貴價珍寶如是等難捨之物乞者強索其心不動慳瞋不起見疑心不生一心

朱德六五

辦應止是事不然雖得至佛衆生未盡不應休息譬如火相若不滅終無不燒菩薩精進亦復如是未入滅度終不休息以是故十八不共法中欲及精進二事常修復次菩薩不住法住般若波羅蜜中不廢精進是菩薩精進非佛精進復次菩薩未得菩薩道生死身以好事施衆生衆生更以不善事加之或有衆生菩薩讚美反更毀辱菩薩恭敬而反輕慢菩薩慈念反求其過謀欲中傷此衆生等無有力勢來惱菩薩菩薩於此衆生發弘誓願我得佛道要當度此惡中之惡諸衆生輩於此惡中其心不懈生大悲心譬如慈母憐

爲佛道故布施誓如須彌山四方風吹所不能動如是種種相是名精進波羅蜜復次菩薩精進遍行五波羅蜜是爲精進波羅蜜問曰若行戒波羅蜜時若有人求乞三衣鉢盂若與之則毀戒何以故佛不聽故若不與則破檀波羅蜜精進云何遍行五事答曰若新行菩薩則不能一
世一時遍行五波羅蜜如菩薩行檀波羅蜜時見餓虎飢急欲食其子菩薩是時興大悲心即以身施善薩父母以失子故憂愁懊惱兩目失明虎殺菩薩亦應得罪而不籌量父母憂苦虎得殺罪但欲滿檀自得福德又如持戒比丘隨事輕重擯諸犯法被擯之人愁苦懊惱但欲持戒不愍其苦或時行世俗般若息慈悲心如釋迦文尼菩薩宿世爲大國王太子父王有梵志師詐以不食五穀衆人敬信以爲奇特太子思惟人有四體必資五穀而此人不食必是曲取人心非眞法也父母告子此人精進不食是世希有汝何愚甚

而不敬之太子答言願小留意此人不以證驗自出是時太子求其住處至林樹間問林中牧牛人此人何所食牧牛者答言此人夜中少多服蘇以自全命太子知已還宮欲出其證驗即以種種諸下藥草熏青蓮花清旦梵志入宮坐王邊太子手執此華來供養之拜已授與梵志歡喜自念王及夫人內外大小皆服事我唯太子不見敬信今日以好華供養甚善無量得此好花敬所來慶舉以向鼻嗅之花中藥氣入腹須臾腹內藥作欲求下處太子言梵志不食何緣向廁急捉之須臾便吐王邊吐中純蘇證驗現已王與夫人乃知其詐太子言此人眞賊求名故以詐一國如是行世俗般若但求滿智寢憐心不畏人瞋或時菩薩行出世間般若於持戒布施心不染著何以故施者受者所施財物於罪不罪於瞋不瞋於進於急攝心散心不可得故復次菩薩行精進波羅蜜於一切諸德六

法不生不滅非常非無常非苦非樂非空非實非我非無我非一非異非有非無盡知一切諸法因緣和合但有名實相不可得菩薩作如是觀知一切有爲皆是虛誑心息無爲欲滅其心唯以寂滅爲安隱余時念本願憐愍衆生故還行菩薩法集諸功德菩薩自念我雖知諸法虛誑衆生不知是事於五道中受諸苦痛我今當具足行六波羅蜜菩薩得生報神通亦得佛道三十二相八十種好一切智慧大慈大悲無礙解脫十力四無所畏十八不共法三達等無量諸佛法得是法時一切衆生皆得信淨皆能受行愛樂佛法能辨是事皆是精進波羅蜜力是爲精進波羅蜜如佛所說菩薩精進不見身不見心身無所作心無所念身心一等而無分別所求佛道以度衆生不見衆生爲此岸佛道爲彼岸一切身心所作放捨如夢所爲覺無所作是名寂滅諸精進故名爲波羅蜜所以者何知一切

精進皆是邪僞故以一切作法皆是虛妄不實如夢如幻諸法平等是爲真實平等法中不應有所求索是故知一切精進皆是虛妄雖知精進虛妄而常成就不退是名菩薩真實精進如佛言我於無量劫中頭目髓腦以施衆生令其願滿持戒忍辱禪定時在山林中身體乾枯或持齋節食或絕諸色味或忍罵辱刀杖之患是故身體燋枯又常坐禪曝露勤苦以求智慧誦讀思惟問難講說一切諸法以智分別好惡鹿細虛實多少供養無量諸佛懃懃精進求此功德欲具足五波羅蜜我是時未有所得不得檀尸羼精進禪智慧波羅蜜見然燈佛以五華散佛布髮泥中得無生法忍即時六波羅蜜滿於空中立讚然燈佛見十方無量諸佛是時得實精進身精進平等故得心平等心平等故得一切諸法平等如是種種因緣相名爲精進波羅蜜

大智度論卷第十六

德六

蹴秋六步也抒音拂格郎鷲音鷲木岐也鞭巨儀硬或鞚或鴟脚臘音臘躁到音七脚猶音俱獲音俱下音獲口音口盪音盪滌音滌下音滌的音的舐止音舐而剥必耕角耕稍湖棒官蒲音蒲港音港爪音爪摶音摶同音同拼必耕解上居析買反下先擊刺反徒官反音反鸞音鸞稱上力捲音捲酷苦駭駭鷲食倫食齒上吾巧結音結齧音齧

掣上側加助加二尺也下尺世只設二反轢音轢揭音揭易音易笮音笮跋音跋又又柔音柔赭音赭者音者檠音檠密音密燁音燁似音似鍛音鍛亂音亂礎音礎宅音宅毅音毅義音義類音類葛音葛鑿音鑿槍音槍同音同鉗音鉗康音康顛音顛什音什下音下者音者櫛音櫛其音其撤音撤列音列禁音禁榜音榜笞音笞下音下薄音薄庚音庚反反憚音憚徒音徒旦音旦跔音跔忌音忌料音料理音理上良控音控苦音苦俎音俎割音割阻音阻燒音燒材音材照音照反反漬音漬智在音智蔚音蔚茂音茂又上去聲去音去聲音聲反反

大智度論卷第十七

德七

龍樹菩薩造 姚秦三藏法師鳩摩羅什譯

釋初品中禪波羅蜜

經不亂不味故應具足禪波羅蜜論問曰菩薩法以度一切衆生爲事何以故閑坐林澤靜默山間獨善其身棄捨衆生答曰菩薩身

乙

雖遠離衆生心常不捨靜處求定獲得寶智慧以度一切譬如服藥將身權息衆務氣力平健則修業如故菩薩宴寂亦復如是以禪定力服智慧藥得神通力還在衆生或作父母妻子或師徒宗長或天或人下至畜生種種語言方便開導復次菩薩行布施持戒忍辱三事名爲福德門於無量世中作天王釋提桓因轉輪聖王閻浮提王常施衆生七寶衣服五情所欲今世後世皆令具足如經中說轉輪聖王以十善教民後世皆生天上世世利益衆生令得快樂此樂無常還復受苦菩薩因此發大悲心欲以常樂涅槃利益衆生此常樂涅槃從實智慧生實智慧從一心禪定生壁言如然燈燈雖能照在大風中不能爲用若置之密室其用乃全散心中智慧亦如是若無禪定靜室雖有智慧其用不全得禪定則實智慧生以是故菩薩雖離衆生遠在靜處求得禪定以禪定清淨故智慧亦淨